

# 卷八

書名 重選唐音大成十四卷附錄一卷 嘉靖五年  
刊本  
撰者 明 邵天和 輯  
卷 卷八  
內容分類 集-總集-各代-唐  
索書號 集部-總集-51  
編號 D7841400

彩色首頁1

[東洋文化研究所漢籍目錄 編號: D7841400](#)

[東洋文化研究所漢籍目錄所藏漢籍善本文影像資料庫 索書號: 集部-總集-51](#)

[漢籍善本文影像資料庫文本重選唐音大成十四卷附錄一卷 嘉靖五年刊本](#)

[版權所有: 東京大學 東洋文化研究所](#)

[使用上的注意事項](#)

重選唐音大成卷之一

宜興邵天和節夫編校

始音

從軍行

楊炯

火照西京心中自不平  
牙璋辭鳳闕鐵騎繞龍城  
暗凋旗畫風多雜  
鼓聲寧為百夫長  
勝作一書生


劉生

本六郡年長入三秦  
白壁酌知已黃金謝主人  
生赤電馬足起紅塵  
日莫歌鍾發喧動四隣


紫騮馬

東方文化學院東京研究所

No. 2046







重選唐音大成卷之八

宜興邵天和節夫編校

餘音二

旅遊

賈浪仙

此心非一事書札若為傳舊國別多日故人無少年  
空巢霜葉洽踈牖水螢穿留得林僧宿中宵坐嘿然

題李巖幽居

閑居少隣並草徑入荒園鳥宿池中樹僧敲月下門  
過橋分野色移石動雲根暫去還來此幽期不負言

送朱可久歸越中

石頭城下泊北固暝鐘初汀鷺衝潮起船窓過月虛  
吳山侵越衆隋柳入唐疎日欲供調膳辟來何府書

渡桑乾

客舍并州已十霜歸心日夜憶咸陽無端更渡桑乾  
水却望并州是故鄉

三月晦日

三月正當三十日風光別我苦吟身共君今夜不須  
睡未到曉鐘猶是春

碧澗驛曉思

溫飛卿

香燈伴殘夢楚國在天涯月落子規歇滿庭山杏花

張靜婉采蓮曲

蘭膏膩髮紅玉春燕釵拖頸拋盤雲城西楊柳向橋  
晚門前滿水波粼粼麒麟公子朝天客珂馬堂堂度  
春陌掌中無力舞衣輕剪斷鮫綃破春碧抱月飄烟  
一尺腰麝臍龍髓憐嬌繞秋羅拂水碎光動露重香  
多花不銷鷓鴣交交塘水滿綠芒如粟蓮莖短一夜  
西風送雨來粉痕零落愁紅淺船頭折藕絲暗牽藕  
根蓮子相留連郎心似月月易缺十五十六清光圓

舞衣曲

藕腸纖縷抽輕春烟漠漠嬌娥頓金梭淅瀝透空

薄剪落交刀吹斷雲張家公子聽秋雨夜向蘭堂思  
楚舞蟬衫麟帶壓愁香偷得鶯簧鎖金縷管含蘭氣  
嬌語悲胡槽雪腕鴛鴦絲芙蓉力弱應難定楊柳風  
多不自持迴嚬笑語西窓客星斗寥寥波脉脉不逐  
秦王卷象床滿樓明月梨花白

懊惱曲

藕絲作線難勝針藥粉染黃那得深玉白蘭芳不相  
顧青樓一笑輕千金莫言自古皆如此健劔刺鐘鉛  
繞指三秋庭綠盡迎霜唯有荷花守紅死廬江小吏  
朱斑輪柳縷吐芽香玉春兩股金釵已相許不令獨

作空成塵悠悠楚水流如馬恨紫愁紅滿平野野土  
千年怨不平至今燒作鴛鴦瓦

湘東宴曲

湘東夜宴金貂人楚女含情嬌翠頰玉管將吹插鈿  
帶錦囊斜拂雙麒麟重城漏斷孤帆去唯恐瓊籤報  
天曙萬戶沉沉碧樹圓雲飛雨散知何處欲上香車  
俱脉脉清歌響斷銀屏隔堤外紅塵蠟炬歸樓前澹  
月連江白

塞寒行

燕弓弦勁霜封瓦櫟敕寒鵬睇平野一點黃塵起鴈

喧白龍堆下千蹄馬河源怒濁風如刀剪斷朔雲天  
更高晚出榆關遂征北驚沙飛近衝貂袍心許凌烟  
名不滅年年錦字傷離別彩毫一畫竟何榮空使青  
樓淚成血

春曉曲

家臨長信往來道乳燕雙雙掠烟草油壁車輕金犢  
肥流蘇帳曉春雞早籠中嬌鳥暖猶睡簾外落花閑  
不掃衰桃一樹近前池似惜紅顏鏡中老

瑶瑟怨

冰簟銀床夢不成碧天如水夜雲輕鴈聲遠過瀟湘

去十二樓中月自明

車駕西游因而有作

宣曲長楊瑞氣凝上林狐兔待秋鷹誰將詞賦陪雕  
輦寂寞相如卧茂陵

贈彈筆者

天寶年中事上皇曾將新曲教寧王鈿蟬金鴈皆零  
落一曲伊州淚萬行

經故袁學士居

劍逐驚波玉委塵謝安門下更何人西州城外花千  
樹盡是羊曇醉後春

牧童詞

李涉

朝牧牛，牧牛下江曲。夜牧牛，牧牛村口谷。荷蓑出林  
山，雨細蘆管卧。吹沙草綠亂，插蓬蒿箭滿腰。不怕猛  
虎欺黃犢。

過襄陽寄上于司空

方城漢水舊城池，陵谷依然世自移。歇馬獨來尋故  
事，逢人唯說岷山碑。

從秦城回再題武關

遠別秦城萬里游，亂山高下入商州。關門不鎖寒谿  
水，一夜潺湲送客愁。

題鶴林寺僧室

終日昏昏醉夢間，忽聞春盡強登山。因過竹院逢僧  
話，又得浮生半日閑。

春晚游鶴林寺寄使府諸公

野寺尋花春已遲，背巖惟有兩三枝。明朝携酒猶堪  
賞，為報春風且莫吹。

竹枝詞

十二峯頭月欲低，空濛灘上子規啼。孤舟一夜東歸  
客，泣向東風憶建谿。

思歸樂

張承吉

萬里春歸盡三江鴈亦稀連天漢水廣孤客未言歸  
題金山寺

一宿金山寺微茫水國分僧歸夜船月龍出曉堂雲  
樹影中流見鐘聲兩岸聞因悲在城市終日醉醺醺

集靈臺

魏國夫人承主恩平明上馬入金門却嫌脂粉污顏  
色淡掃蛾眉朝至尊

古曲

施希聖

可憐江北女慣唱江南曲搖蕩木蘭舟雙鳧不成浴

黃陵廟

李文山

小姑洲北浦雲邊二女明粧共儼然野廟向江春寂  
寂古碑無字草芊芊東風近墓吹芳芷落日深山哭  
杜鵑猶似含顰望巡狩九疑如黛隔湘川

黃陵廟

黃陵廟前莎草春黃陵女兒茜裙新輕舟短棹唱歌  
去水遠山長愁殺人

南莊春晚

草暖沙長望去舟微茫烟浪向巴丘沅湘寂寂春歸  
盡水綠蘋香人自愁

贈楊鍊師

鮑德源

紫烟衣上繡春雲清隱山書小篆文明月在天將鳳  
管夜深吹入玉宸君

鄴宮

陸魯望

花飛蝶駭不愁人水殿雲廊別置春曉日靚粧千騎  
女白櫻桃下紫綸巾

九日齊山登高

杜牧之

江涵秋影鴈初飛與客携壺上翠微塵世難逢開口  
笑菊花須插滿頭歸但將醕酌酬佳節不用登臨怨  
落暉古往今來只如此牛山何必淚霑衣

過華清宮

長安回望繡成堆山頂千門次第開一騎紅塵妃子  
笑無人知是荔枝來

念昔遊

李白題詩水西寺古木回巖樓閣風半醒半醉遊三  
日紅白花開烟雨中

山行

遠上寒山石徑斜白雲生處有人家停車坐愛楓林  
晚霜葉紅於二月花

塞下

許用晦

夜戰桑乾北秦兵半不歸朝來有鄉信猶自寄征衣

緱山廟

王子求仙月滿臺玉簫清轉鶴徘徊曲終飛去不知處山下碧桃春自開

送宋處士

賣藥脩琴歸去遲山風吹盡桂花時世間甲子須臾事逢着仙人莫看棋

秋思

琪樹西風枕簟秋楚雲湘水憶同游高歌一曲掩明鏡昨日少年今白頭

樂游原

李義山

向晚意不適驅車登古原夕陽無限好只是近黃昏

悼傷後赴東蜀辟至散關遇雪

劍外從軍遠無家與寄衣散關三尺雪回夢舊鷺機

絕句

滯雨長安夜殘燈獨客愁故鄉雲水地歸夢不宜秋

寄令狐郎中

嵩雲秦樹久離居雙鯉迢迢一紙書休問梁園舊賓客茂陵秋雨病相如

送王三十校書分司

多少分曹掌祕文洛陽花雪夢隨君定知何遜綠聯

句每到城東憶范雲

東還

自有仙才自不知十年長夢采華姑  
秋風動地黃雲暮歸去嵩陽尋舊師

花下醉

尋芳不覺醉流霞倚樹沉眠日已斜  
客散酒醒深夜後更持紅燭賞殘花

春日早朝寄劉起居

姚合

九衢寒霧斂雙闕曙光分綵仗迎春日  
香烟接瑞雲珮聲清漏間天語侍臣聞  
莫笑馮唐老遠來謁聖君

題天台寺壁

絕頂新秋生夜涼鶴翻松露滴衣裳  
前峰月照半江水僧在翠微開竹房

訪羊尊師

孫革

松下問童子言師采藥去只在此山中  
雲深不知處

宮詞

朱慶餘

寂寂花時閑院門美人相並立瓊軒  
含情欲說宮中事鸚鵡前頭不敢言

宛陵館冬青樹

趙承祐

碧樹如烟覆晚波清秋欲盡客重過  
故園亦有如烟

樹鴻鴈不來風雨多

經汾陽舊宅

門前不改舊山河破虜曾經馬伏波今日獨經歌舞地古槐疎冷夕陽多

江樓書感

獨上江樓思渺然月光如水水如天同來望月人何處風景依稀似去年

城西訪友人別墅

雍陶

灋水橋邊小路斜日高猶未到君家村園門巷多相似處處春風枳殼花

過南隣花園

莫恠頻過有酒家多情長是惜年華春風堪賞還堪恨纔見開花又落花

天津橋春望

津頭春水浸紅霞烟柳風絲拂岸斜翠輦不來金殿閉宮鶯銜出上陽花

和孫明府懷舊山

五柳先生本在山偶然為客落人間秋來見月多歸思自起開籠放白鷗

貧居春怨

貧居盡日冷風烟獨向簷床看雨眠寂寞春風花落  
盡滿庭榆筴似秋天

長信宮

孟遲

君恩已盡欲何歸猶有殘香在舞衣自恨身輕不如  
燕春來還繞御簾飛

閨情

山上有山歸未得湘江暮雨鷓鴣飛靡蕪亦是王孫  
草莫送春香入客衣

暮春澆水送別

韓成封

綠暗紅稀出鳳城暮雲宮闕古今情行人莫聽宮前

水流盡年光是山聲

涼州詞

薛陶臣

千里東歸客無心憶舊遊桂帆遊白水高枕到青州

宮詞

薛大拙

自是三千第一名內家裝裏獨分明芙蓉殿上中元  
日水拍銀盤弄化生

老圃堂

邵平瓜地接吾廬谷雨乾時偶自鋤昨日春風欺不  
在就床吹落讀殘書

歸鴈

瀟湘何事等閑回水碧沙明兩岸苔二十五絃彈夜  
月不勝清怨却飛來

苦別離

邵謁

十五為君婚二十八君門自從入戶後見君長出門  
朝看相送人暮看相送人若遣折楊柳此地樹無根  
願為陌上土得作馬蹄塵願為曲木枝得作雙車輪  
安得太行山移來君馬前

君不來

方惟飛

遠路東西欲問誰寒來無處寄寒衣去時初種庭前  
樹樹已勝巢人未歸

長信宮

于武陵

一失輦前恩羅衣生暗塵唯應清夜月獨伴向愁人  
長信翠娥老昭陽紅粉新君心似秋節不使草長春

勸酒

勸君金屈卮滿酌不須辭花發多風雨人生足別離

閑居雜興

陳嵩伯

一顧成周力有餘白雲閑釣五谿魚中原莫道無麟  
鳳自是皇家結網踈

庭草

曹鄴

庭草根自淺造化無遺功低回一寸心不敢怨春風

醒後

劉司南

醉卧芳草間酒醒日落後壺觴半傾覆客去應已久  
不記折花時何得花在手

牧童

牧童見客拜山果懷中落晝日驅牛歸前谿風雨惡

山村曉思

于子漪

開門省禾黍隣翁水頭住今朝南澗波夜來西山雨  
牧童披短蓑腰笛期烟渚不管水邊人騎牛望山去

青樓曲

青樓臨大道一上一回老所思終不來極目傷春草

宮怨

司馬札

柳色參差掩畫樓曉鶯啼送滿宮愁年年花落無人  
見空逐春泉出御溝

長安道

聶垣之

此地無駐馬夜中猶走輪所以路傍草少於衣上塵

小遊仙

曹堯賓

方士飛軒駐碧霞酒香風冷月初斜不知誰唱啼春  
曲落盡谿頭白玉花

長門宮

裴交泰

自閉長門經幾秋羅衣濕盡淚還流一種蛾眉明月

夜南宮歌管比宮愁

楚調曲

李暇

何處期郎遊小苑花臺間相憶不可見且復乘月還

步虛詞

高千里

青谿道士人不識上天下天鶴一隻洞房深鎖碧窓寒  
滴露研朱點周易

山亭夏日

綠樹陰濃夏日長樓臺倒影入池塘水晶簾動微風起  
滿架薔薇一院香

春

高蟾

明月斷魂清露靄平蕪歸思綠迢迢人生莫遣頭如雪  
縱得春風亦不消

下第後上高侍郎

天上碧桃和露種日邊紅杏倚雲栽芙蓉生在秋江上  
不向春風怨未開

淮上與友人別

鄭宇愚

楊子江頭楊柳春楊花愁殺渡江人數聲風笛離亭晚  
君向瀟湘我向秦

曲江春望

唐彥謙

杏艷桃嬌奪晚霞樂遊無廟有年華漢朝冠蓋皆金陵

墓十里宜春下苑花

小院

小院無人夜烟斜月轉明清宵易惆悵不必有離情

班婕妤

崔道融

寵極辭同革恩深棄後宮自題秋後扇不敢怨春風

長門怨

長門花泣一枝春爭奈君恩別處新錯把黃金買詞

賦相如自是薄情人

楚懷王

宮花一朶掌中開緩頰翻為敵國媒六里青山天下

咲張儀容易去還來

華清宮

杜常

行盡江南數十程曉風殘月入華清朝元閣上西風  
急都入長揚作雨聲

華清宮

崔魯

草遮回磴絕鳴鑿雲樹深深碧殿寒明月自來還自  
去更無人倚玉闌干

古意

王駕

夫成蕭關妾在吳西風吹妾妾憂夫一行書信千行  
淚寒到君邊衣到無

社日

鷺湖山下稻梁肥，豚栅雞埭半掩扉。  
桑柘影斜春社散，家家扶得醉人歸。

雨晴

雨前不見花間葉，雨後全無葉底花。  
蜂蝶飛來過墻去，却疑春色在隣家。

賞春

羅鄴

芳草和烟暖更青，閑門要路一時生。  
年年點檢人間事，唯有東風不世情。

襄漢旅道軍後有感

韓致堯

水自滄溪日自斜，盡無雞犬有鳴鴉。  
千村萬落如寒食，不見人烟空見花。

涼思

吳子華

松間小檻接波平，月澹烟沉暑氣清。  
半夜水禽栖不定，綠荷風動露珠傾。

折楊柳宮詞

王貞白

枝枝交影鎖長門，嫩色曾沾雨露恩。  
鳳輦不來春欲暮，空留鶯語到黃昏。

水殿年年占早芳，柔條偏惹御爐香。  
而今萬乘多巡狩，輦路無陰綠草長。

嫩葉初齊不耐寒和風時拂玉闌干君王去日曾攀折泣雨傷春翠黛殘

寄人

張泌

別夢依依到謝家小廊迴合曲欄斜多情只有春庭月猶為離人照落花

繡嶺宮

李才江

春草萋萋春水綠野棠開盡飄香玉繡嶺宮前鶴髮翁猶唱開元太平曲

臺城

韋莊

江雨霏霏江草齊六朝如夢鳥空啼無情曾取是臺城

柳依舊烟籠十里堤

衢州江上別李秀才

千山紅樹萬山雲把酒相看日又曛一曲離歌兩行淚不知何地更逢君

答韋丹

吳商浩

年老心閑無外事麻衣草坐亦容身相逢盡道休官去林下何曾見一人

行次漢上

僧無本

習安池沼草萋萋嵐樹光中信馬蹄漢主廟前湘水碧一聲風角夕陽低

楚調

薛奇童

禁苑春風起流鶯繞合懽玉窻通日氣珠箔卷輕寒  
揚葉垂陰砌梨花入井欄君王好長袖新作舞衣寬

送兄

南海女子

別路雲初起離亭葉正飛所嗟人異鴈不作一行歸

擬古神女宛轉歌

郎大家宋氏

風已清月朗琴復鳴掩抑非千態殷勤是一聲歌宛  
轉宛轉和且長願為雙黃鵠比翼共翱翔日已暮長  
簷鳥應度望君君不來思君君不顧歌宛轉宛轉邴  
能異栖宿願為形與影出入恒相逐

羅噴曲

劉采春

不喜秦淮水生憎江上船載兒夫婿去經歲又經年

拜新月

吉中孚妻

拜新月拜月出堂前暗鬼初籠桂虛弓未引弦拜新  
月拜月妝樓上鸞鏡始安臺蛾眉已相向拜月不勝  
情庭花風露清月臨人自老人望月長生東家阿母  
亦拜月一拜一悲聲斷絕昔年拜月騁容輝如今拜  
月雙淚垂回看衆女拜新月却憶紅閨年少時

谿上雲

張文姬

溶溶谿口雲纔向谿中吐不復歸谿中還作谿頭雨

送友人

薛濤

水國蒹葭夜有霜，月寒山色共蒼蒼。  
誰言千里自今夕，離夢杳如關塞長。

古意曲

劉瑤

梧桐階下月團團，洞房如水秋夜闌。  
吳刀剪破機頭錦，茱萸花墜相思枕。  
綠窗寂寞背燈時，暗數寒更不成寢。

閑吟

君山父老

山中老人讀黃老，手授紫籙坐碧草。  
春至不知湘水深，日暮忘却巴陵道。

荅人

太上隱者

偶來松樹下，高枕石頭眠。  
山中無曆日，寒盡不知年。

別酒主人

山中客

酒盡君莫沽，壺乾我當發。  
城市多囂塵，還山弄明月。

胡笳曲

無名氏

月明星稀霜滿野，羶車夜宿陰山下。  
漢家自失李將軍，單于公然來牧馬。

重選唐音大成卷之八終



唐音大成卷之八終



